

明治十九年五月十三日內務省贈付

精華錄絕句鈔下卷

日柳惣終吉錄

為計生洲比部題梅淵公畫

柳堤山中葦草堂。溪流森森樹蒼蒼。白雲谷口不飛

奏中歌十二首

上相乘春西出師。至尊推戴建旌旗。兩宮絡繹黃封下。天廡飛龍賜與騎。

新開麟閣賞元功。頗牧重看山禁中。此去西人須破膽。將軍昨日伐遼東。

軍中歌舞喜投醪。令下山戒驛驢。扶杖已聞秦父
老。王師有詔肅秋毫。
天上黃河萬里來。巨靈高掌抱雲臺。遙看丞相行營
過。日射潼關四扇開。
涇原西北駐王師。尺一無煩介馬馳。共道皇恩天浩
蕩。不教京觀築鯨鯢。
莫愁登隴望秦川。休道長安在日邊。驛騎流星催露
布。捷書三日到甘泉。
虎狼十萬競投戈。不唱三交隴上歌。朝見降書來北
地。暮看烽戍罷朝那。

衣照路有輝光。班劍威儀出尚方。大將囊韃迎道
左。萬人鼓吹入平涼。
三軍解甲隗囂宮。百丈磨崖待勒功。欲紀元和天子
聖。更攜參佐上崆峒。
丹青圖畫上麒麟。五等俄驚寵命新。未許熊羆歸禁
。且懸堂印鎮三秦。
河西三將氣如虹。百戰功名次上公。詔下一時齊虎
拜。漢朝爭羨竇安豐。
三月軍鋒次渭橋。旋看飲至紫宸朝。空言韓范威名
大。五路何曾制曩霄。

題江辰六借書圖二首

何處淹留可判年。亂書堆裏日高眠。何人解似宣城
守。手爲江郎割半甍。
飲馬荆江戍火紅。龐眉書客悔雕蟲。諸生亦有封侯
相。一卷陰符兩石弓。

題冒辟疆姬人圓玉女羅畫三首

雪後空庭氣蕭瑟。千頭紉竹尙嫵娟。畏寒凍雀不飲
啄。斜日蹋枝相對眠。
記取凌波微步來。明珠翠羽共徘徊。洛川森森神人
隔。空費陳王八斗才。

堂堂策策百千頭。苜蓿菱花滿碧流。髣髴吳興騎馬
處。江南風色白蘋洲。

和曹陸海舍人壽良懷古二首

長城自壞復誰尤。戰地經過憶唱籌。野鳥啼春寺門
寂。可憐猶似白符鳩。

鐵鎗名抵周陽五。夾。楊劉各一奇。可惜英雄爲梁
死。不知世有鬪雞兒。

悼亡詩二十六首

一錯誰能鑄六州。葦砧無復望刀頭。當年對泣人何
在。獨臥牛衣哭暮秋。

少小香閨熟女儀。雞鳴長自軫風詩。君如德曜齊眉日。我愧樊英荅拜時。
門第河東雙戟圍。當年燕子傍誰飛。可憐陌上花開後。常送香車緩女歸。
小閣垂簾日掃除。爐薰茶具宛精廬。紅囊揀得釵頭茗。手清泉伴著書。
千里窮交脫贈心。蕪城春雨夜沈沈。一官長物吾何有。卻損閨中纏臂金。
樵蘇絕爨未知愁。林下風期矢白頭。廿載無衣搜盡篋。不曾悔卻嫁黔婁。

雪白花紅繡襟齊。頻年醜面祝中閨。牙牙學語今何似。忍聽嬌兒索母啼。
病中送我向南秦。感逝傷離涕淚新。長憶啼猿斷腸處。嘉陵江驛雨如塵。
灞橋秋雨望秦川。劔閣西風聽杜鵑。萬里不歸歸有路。雙魚何處達重泉。
三載西風雁影分。登高淚盡隴頭雲。從今腸斷重陽節。又采寒花酌細君。
蚤歲曾期共隱居。祇應桓孟得相如。青山縱有歸來日。更與何人輓鹿車。

鋪首經秋澀綠苔。承塵蛛網任成灰。祇餘金縷裙猶在。爭忍無情布施來。

遣挂空存冷舊簾。重陽閣閉雨紛紛。方諸萬點鮫人淚。灑向窮泉竟不聞。

蕭蕭靈風冷總幃。亭亭孤月掩重扉。寶釵明鏡俱黃土。悔殺秦嘉上計非。

帖子宜春認舊題。粧樓人去草凄凄。東風不啓葳蕤鎖。一任空梁落燕泥。

樓角參差幾曲闌。繞欄親種碧琅玕。月明昨夜風驚竹。翠袖何人倚暮寒。

春前小別死生分。望斷新阡宿草墳。我似東坡老居士。何年歸哭魏城君。

年年苦辛寄冬衣。刀尺聲中玉漏稀。今日歲殘衣不到。斷腸方羨雉朝飛。

愁見新年改故年。朔風吹雪欲寒天。黃金屈戌中宵閉。長伴鯨魚夜不眠。

續絃膠與返魂香。碧海青天路渺茫。若使少君真有術。不離千里到稠桑。

熒熒蕤露葉還低。華屋山丘理亦齊。四十年來成小劫。匆匆何暇唱黃雞。

春事愁中復病中。可憐寒食到匆匆。故園夢去滿瀟瀟。
雨。一樹棠梨照殯宮。
藥爐經卷送生涯。禪榻春風兩鬢華。一語寄君君聽
取。不教兒女衣蘆花。
陌上鶯啼細草薰。魚鱗風皺水成紋。江南紅豆相思
苦。歲歲花開一憶君。
錦瑟年華西逝波。尋思往事奈君何。若爲乞得江郎
筆。應較文通恨賦多。
宦情薄似秋蟬翼。愁思多於春繭絲。此味年來誰領
略。夢殘酒渴五更時。

聞方山北山諸公連日出遊戲寄

公子春燕白鼻騮。病夫擁褐客天涯。城南幾日無風
雨。十里徐熙落墨花。

絕句

石帆山後黃茅屋。一樹寒梅作意香。長憶花開風雪
裏。臥聞春雨滴糟牀。

曹正子邀同家兄子側及諸君鬻臺看芍藥晚
過祖氏園亭八首

回首旗亭畫壁時。重來已是十年遲。應劉逝後風流
盡。只有恒河照鬢絲。

依然春草樊川路。並馬來過覆盎門。記得城南天尺
五。綠蕪紅藥水邊村。
陂塘點點鳥隄出。夏木陰陰白鳥飛。也似江南好風
景水田一帶學僧衣。
宮錦千絲費剪裁。詎他婪尾殿春盃。老顛賸欲相料
理。乞取齊奴步障來。
雨雨風風態自殊。花花葉葉不曾孤。更添練鵲和蟬
蝶。便是徐熙六幅圖。
霑濕春衣更不嫌。花枝姪姪雨廉纖。鬢絲禪榻心情
改。閒看兒郎插帽簷。

沙禽一一事高格。煙柳斜陽初弄姿。更愛風標兩公
子。水荳花外立移時。
水檻清涼跋脚眠。菱花菰葉一溪煙。阻風中酒年年
事。絕意春江上水船。

見北山遊西山詩示謝千仞

吟眺清暉思不窮。昔遊如夢幾人同。憶君共躡西山
雪。坐聽清猿萬木中。

山茶雪兔

石罅猩紅透幾枝。花間東郭眼迷離。浸天春雪鷹初
繫。正好營君三窟時。

郭河陽雙松平遠

石骨峻嶒五鬣盤。河陽筆底傲秦官。興亡七百年朝
槿。留得蒼蒼耐歲寒。

題龔節孫種橘圖二首

震澤鱸魚欲上竿。千林風露熟金丸。美人無事披香
坐。領得頭銜是橘官。

會稽內史風流甚。三百封題引興長。何日扁舟洞庭
上。與君小摘滿林霜。

題陳其年填詞圖

玉梅花下交三九。紅杏尙書在檀名。記得微吟倚東

閣。梅花如雪撲簾旌。

題顧茂倫灘雪釣叟圖二首

垂虹秋色東南好。雨笠煙蓑送此生。今日三高祠下
過。惟君不愧隱人名。

彷彿桐江百尺臺。傍人漫作客星猜。投竿一笑煙波
外。陽鱉紛紛入釣來。

花燭詞二首戲爲鈍翁賦

碧玉迴身奈此宵。汝南雞喚夜迢迢。從今倦聽蘭臺
鼓。莫更熏衣事早朝。

歲女吹簫引鳳雛。莫將縑素怨狂夫。似聞一語分明

寄我見猶憐况老奴。

又戲呈鈍翁二絕句

藥鱸經卷日相親。隱几蕭然遠市塵。聞道姬人怨服散。也須料理苦吟身。

紅蕤枕畔碎寒犀。夢覺時聞鳥夜啼。若使清齋三百日。箇儂何異太常妻。

爲愚山侍講題嚴蒸友畫

山氣花雲雲作煙。幽人蓑笠不知年。清溪曲逐楓林轉。紅葉無風落滿船。

同愚山侍講弘衍菴看海棠柬梅耦長四首

韋杜城南十萬家。東風處處酒旗斜。不知冷節匆匆過。猶見僧樓一樹花。

木魚聲靜佛香遲。日午風簾自在垂。好是維摩方丈室。恰逢天女散花時。

沒骨天然別有情。風流何處錦官城。會禽圖裏依稀見。安得徐熙爲寫生。

平陽池館亞枝紅。移入香林便不同。莫爲叢殘自憐惜。梅家詩體擅江東。

雨夜再題梅瞿山畫松

林燈明暗雨模糊。雷電冥冥夜氣孤。破壁長松欲飛

去曉來疑是坐龍圖。

題王元式國博秋思詩後

茂陵風雨瀟瀟夜。受爾哦詩四壁秋。多少長安苦吟客。瘦羊博士擅風流。

送高念東先生予告還山五首

前身憶是陶通明。山中白雲無限情。滿院松風一聲鶴。三層樓上坐吹笙。

若士雲將是夙期。相逢汗漫欲何之。偶然擲杖成龍去。又過蓬萊日主祠。

何處神山滄海東。巨峯萬仞插晴空。青天無數雲濤

捲。下視辰韓墨點中。

暮遊碧玉閭風顛。朝過扶桑近日邊。戲弄東王與西母。神芝行處滿瓊田。

曾窮華蓋與鉤陳。又到朱陵蜃海濱。不信仙人十洲地。也傳風俗似吳人。

再送念東五首

龍門雪後山爭白。金谷園中花映紅。著箇香山老居士。任人圖畫作屏風。

解印歸來履道居。風情真似白尚書。孤琴隻鶴還留在。駱馬楊枝卻讓渠。

錦湖秋色漾漣漪。湖裏遊人歌竹枝。斜日泊船紅蓼岸。神鴉飛過魯連祠。

長白山中跨白驢。偏提時挂小籃輿。八驂朱雀航南路。可似先生薄笨車。

籠水羣山繞郭明。杖藜隨處有泉聲。名藍金碧和煙雨。小李將軍畫不成。

瀛臺賜宴恭記六首

朝來勅賜宴淋池。桂楫蘭舟待水嬉。渡盡雲沙回首望。綠楊風外颭黃旗。

越羅吳錦尙方來。黃紙書名繡作堆。次第鵷行齊拜

賜。涼蟬聲裏謝恩廻。

御舟往往艤沙汀。瓊島中流日幾經。不是華林樂魚鳥。慈顏近在五龍亭。

中旨頻傳內大臣。龍眠學士命重申。捧觴跪起華煙上。蘋末風來散酒鱗。

崇蘭風汎共徘徊。九畝揚揚取次開。鄭重天香攜滿袖。移從弘德殿中來。

太液池中百子蓮。花開十丈藕如船。酒闌宣賜歸鞍重。錯認滄洲太乙仙。

上陵歌四首

兩京相望海雲開。馳道如弦候騎催。金馬碧雞新奏捷。太平天子上陵來。
令支迴合萬重山。閃日旌旗虎豹閒。東望風雲過沛上。西來東騎出蕭關。
遼水東迴北鎮斜。龍蟠虎踞帝王家。依依最是關門柳。十二年前拂翠華。
艱難王業本岐豐。扶杖來觀父老同。詔賜大酺還給復。一時歌舞徧遼東。

憶公餞吏部

弱草棲塵漫自驚。知君解脫萬緣輕。分明一笑凌雲

去。撒手靈芝殿上行。

朱浙清明上河圖二首

金明池上柳吹綿。仕女紅粧照水鮮。學取鵝黃官樣窄。一雙新畫孟家蟬。

夢華髣髴舊東京。瞥見丹青眼暫明。忽忽停盃緣底事。西風殘照近青城。

題徐騎省集後二首

江左黃星事又新。蕭蕭白髮入咸秦。茂陵玉盃通天表。未信初明是恨人。

寂寥小雪閒中過。斑駁新霜鬢上加。擁鼻微吟一惆

悵。殘年風景又天涯。

喬子靜編修見示使粵集既爲序之復得一絕
句書於卷

澧蘭湘芷供章句。梅雨江風生齒牙。卻笑陸郎無此
筆。歸裝空載日南花。

和陳子文入蜀詩二首

鳳州三絕無纖手。又少旗亭酒共傾。惟有金絲幾株
柳。臨江映驛拂人行。右鳳縣金絲柳

乍食西川諸葛葷。重誇楊撲紫芽辛。柳家新樣君從
種。多少薑芽斂手人。右蜀薑

頃和子文蜀薑詩殊非本意再成一首

蜀味初當萬里餘。子薑作繪憶鱸魚。相思若遇東吳
使。爲報浪溫欲附書。

讀宋胡忠簡公經筵問答題後

御香都染侍臣衣。回首神霄是禁闈。卻憶宣和當日
事。玉真軒裏見安妃。

過丁香院訪張園不遇題壁

吟遶長廊取次行。主人不見綠苔生。蜂聲滿院日卓
午。花氣撲簾春晝晴。

爲朱梅人題王叔楚畫竹卷

茅齋青壁幾年成。溪路無人略竹橫。一夜春雷動嵯
谷。四山風雨。龍驚。

題乘風破浪圖四首

海外真看大九州。青天一髮是琉球。人間奇觀君知
否。萬里滄溟萬斛舟。

扶桑東望海天孤。虎節龍章擁萬夫。正是水犀酣戰
日。樓船十道下澎湖。

石靈不散石郵閒。親見神魚跋浪間。青史他年託奇
事。天風三日到中山。

作冊親頒異姓王。歸來封事動明光。儘教乞與丹青

手。寫作靈槎著日傍。

魚山神女祠

雲車入洛幾時還。松桂淒涼滿舊山。歌罷迎神送神
曲。山青無際水潺湲。

東平思王墓

東平幾驛是咸陽。松柏依然指故鄉。帝子不須還悵
望。漢家陵闕久淒涼。

東平憲王墓

鄉是人亡萬古悲。東平宮殿草離離。陵前賜劍知何
處。金粟飄零剩斷碑。

昭陽湖

滿湖風皺碧流離。微子山前返照時。閒挂笭箬泊沙
嘴。紅霞一抹曬鷓鴣。

荆山口待渡

西連豐沛走中原。風色蕭蕭野渡昏。一望孤城天接
水。亂山合沓是彭門。

彭門懷古八首

城上黃樓天四垂。捲簾坐盡楚山姿。羽衣吹笛人千
古。樓下猶懸五丈旗。

中原豪傑競亡秦。楚漢煙銷泗水濱。放鶴亭中一盃

酒。楚山鑿々水鱗々。

樓觀崑崙戲馬臺。宋公九日此傳盃。詩人猛士如龍
虎。只愛江東二謝才。

僕射軍中似父兄。紅蓮書記擅才名。重尋汴泗交流
處。千步毬場草棘生。

黃葉西陂七字詩。後山詩派石林知。南山礬石流脂
滑。不刻長洲主簿詞。

呂梁千古所嗟泥。復層冰如莫邪。陪尾山前魯祠
北。紅泥亭子漾金沙。

煙銷陂水半篙碧。日出曉山千疊青。醉夢依然春雪

裏忍寒招鶴上空亭。

風雨彭城意黯然。東堂松竹沒寒煙。賴瀆老去東坡
死。銅狄摩挲五百年。

崔白濠梁人賦詩弔之

徐黃老手去不迴。丹青又失濠梁崔。清淮粉本還留
在。折葦枯荷鳧雁哀。

自沙河至唐婆嶺卽事

皖公山色望迢迢。皖水清冷不上潮。青笠紅衫風雪
裏。一林楓柏馬蕭蕭。

二喬宅

修眉細々寫春山。松竹蕭々響珮環。聶氣江東久銷
歇。空留初地在人間。

龍山晚渡

雪滿龍山望五湖。漁舟沙步晚招呼。憑誰喚起維摩
詰。重寫寒江雪渡圖。

濯港

網埠寺旁風物幽。漁人網集亂汀洲。阿誰識取源頭
水。破額山前碧玉流。

太白湖

潯陽東北白湖濱。雪浪縱橫曉問津。何處雲中廬岳

影滿堤衰柳送行人。

抵九江

行行皖口又蘄黃。纔挂孤帆指豫章。爲報匡君多置酒。夜來風雪過潯陽。

自錦繡峯下至東林寺

江州郭外雪雲濃。翠壁丹崖錦繡重。行盡清溪三百曲。東林纔打午時鐘。

東林寺示宗雷禪人

晉賢名理宗莊老。祖印西來得未曾。攜得佛馱鐵如意。重將舉似雁門僧。

虎溪橋迴望西林寺

未訪西林慧永師。虎溪橋畔去遲遲。歸舟定憺官亭水。飽看僧房綠蜜脾。

寫韻軒

彷彿鸞岡露黛眉。繡襦甲帳爲誰施。祇應三五嬋娟影。曾照仙人寫韻時。

峽江縣

短岫幽篁峽口陰。亂帆鴉軋滿江潯。長年煙際遙相問。十八灘頭水淺深。

吉水絕句

螺川川北字江西。沙暖舟暄咫尺迷。纔過元宵如上巳。春山處處郭公啼。

望青原山有懷藥地愚山二公

白鷺空洲又劫灰。青原山色自崔嵬。風流二老今何在。獨問廬陵米價來。

瓶中桃花

水晶枕上一枝新。別作嬌紅楚岸春。疑是息夫人未起。細腰宮裏見橫陳。

將抵曲江

二月一日春態閒。桃花欲落鳥綿蠻。從頭不識中原

路。人在三楓五渡間。

歸猿洞

若爲越女化猿公。霧鬢風鬟向此中。留得訶陵環子在。月明長憶上陽宮。

廣州竹枝六首

潮來濠畔接江波。魚藻門邊淨綺羅。兩岸畫欄紅照水。菴船爭唱木魚歌。

海珠石上柳陰濃。隊隊龍舟出浪中。一抹斜陽照金碧。齊將孔翠作船篷。

梅花已近小春開。朱槿紅桃次第催。杏子枇杷都上

市。玉盤三月有楊梅。
佛桑花下小迴廊。曲院深深牡蠣牆。細蕪海沈銀葉
火。金籠倒挂試收香。
繁雲盤髻簇官鴉。一線紅潮枕畔斜。夜半髮香人夢
醒。銀絲開徧素馨花。
才到花朝似夏闌。雨紗霧縠間水紈。洋船新買紅鸚
鵡。卻苦羊城特地寒。

題崧臺

石室崧臺儼畫圖。百神觴罷散清都。七峯處處供人
眼。莫笑淹留類買胡。

卽事二絕句

吳頭楚尾浪花飄。終日彭郎對小姑。楊葉洲邊望煙
火。江南江北雨模糊。
往來不見馬當船。三日蘆中少爨煙。東望皖公才百
里。金陵難似上青天。

蠟磯靈澤夫人祠二首

白帝江聲尙入吳。靈祠片石倚江孤。魂歸若過劉郎
浦。還記明珠步障無。
羈氣江東久寂寥。永安宮殿莽蕭蕭。都將家國無窮
恨。分付潯陽上下潮。

蛾眉亭

采石磯頭百尺亭。下臨天塹畫冥冥。天門中斷楚江關。日日蛾眉相對青。

烈山

古寺紅牆出翠微。莓苔石壁滴人衣。一行白鷺衝船起。卻上半巖松頂飛。

西湖

西湖蕭蕭數騎過。韋公詩句奈愁何。黃鸝喚客且須住。野渡庵前風雨多。

清流閣

瀟瀟寒雨渡清流。苦竹雲陰特地愁。回首南唐風景盡。青山無數繞滁州。

符離

萬里歸來兩鬢蒼。閱他南漢又南唐。短衣射虎心猶壯。重過符離古戰場。

花開白似銀佳句也。予冬夏兩過滕不見一花。因成絕句。

薛北滕南屢問津。遠山如畫黛眉新。惟餘底事堪惆悵。不見花開白似銀。

嶧山卽事

雨足煙村事不聞。家家驅犢出柴關。瓊花香徧濃陰
合。水碧沙明望嶧山。

宿唐濟武太史志壑堂卽事

新竹梢檐夜氣清。忽聞山鳥報寒更。單衾喚起瀟湘
夢。落月已西天未明。

題沈客子林屋幽居圖五首

萬頃玻璃不受塵。樓居高與太清鄰。紫泉石髓倘留
得。我欲因之窮左神。
隱几春山似畫屏。下窺玉柱接金庭。禹書縱遺靈威
守。合爲幽人一啓扃。

五月楊梅血色斑。雲林十里畫圖間。杉皮屋子青苔
徑。獨占吳王銷夏灣。

玉堂酒渴夢江南。林屋東西路舊諳。煩汝封題三百
額。夜來霜信到黃柑。

漁洋山下是吾家。山北山南半種茶。留得織山方竹
杖。待君風雪探梅花。

憶石帆亭寄兒輩四首

梅花香裏置茅亭。下有蒼筤萬箇青。聞道故園三日
雪。與誰同聽玉玲瓏。

磬口檀心世外香。幽姿那點壽陽粧。祇宜霽雪明窗

裏。手揭疎花寫硬黃。

仙人鸞尾何年墮。池北池南共歲寒。又向東華騎瘦馬。春風先問竹平安。

麥穎風爐手自烹。林園急雪夜三更。不知賀若今存否。夢裏琴聲大蟹行。

正月上旬過朱竹垞太史齋中諸花盛開賦二

絕句

馬塍曾說野人家。每先東皇管物華。今歲長安霜雪少。試燈風裏見唐花。

十笏如聞功德香。曼殊陀利兩芬芳。偶來小坐談空

處。政要天花作道場

立齋相公齋中焦花開賦六絕句

漢主初開扶荔宮。甘蕉花入上林紅。今朝獨樂園中見。始信稽含狀最工。

中書退食日蕭蕭。簾捲西山爽氣饒。茶白筆床相對好。一林花放膽瓶蕉。

玉宇微涼八月中。林塘香散木犀風。綠天深處一花拆。蝙蝠飛來相映紅。

朱萼新抽萬卷書。仙人掌露勝醍醐。丹青好借黃筌筆。更寫紅蕉水鶴圖

紅霞一抹映瓊杯。照影銀塘細細開。不似平泉閒草木。猶煩驛騎日南來。
木綿千樹與江邊。不及蕉花分外妍。常記五羊城畔見。一枝紅壓養人船。

董起男送風雨梅戲占爲謝

吳中五月梅黃雨。想像千林舶趁風。珍重遺來香軟齒。不須將醋沁曹公。

再題研山絕句示竹垞

南唐寶石劫灰餘。長與幽人伴著書。青峭數峯無恙在。不須淚滴玉蟾蜍。

題朱竹垞檢討雪景小照四首

天女長空散六花。疎枝冷蕊鬪橫斜。小身幻出維摩影。費我連朝玉畫叉。

雪後溪山畫不如。梅花林外跨青驢。相逢莫笑酸寒甚。曾校華林七錄書。

雪屋寒林斷晚煙。板橋流水尚濺濺。不逢才子安鴻漸。定是襄陽孟浩然。

風急天山雪打圍。下韉鴈疾掠空飛。誰知驢背江南客。手拗寒香插帽歸。

郭有道墓

大槐坂上逐車塵。爭效先生折角巾。至意清流解亡國。望門投止是何人。

謁文忠公祠

精神如破貝州時。晚節猶能動四夷。天遣不同韓富沒。姓名留冠黨人碑。

謁郭忠武王祠

便橋蕃部擁風雷。單騎纔臨鐵騎摧。回紇萬人齊下拜。傳呼天上令公來。

謁寇忠愍公祠

柘枝舞罷蠟成堆。千束吳綾夜宴開。不是魏三詩句

好。誰知無地起樓臺。

灞橋柳

灞橋楊柳碧毵毵。曾送征人去漢南。今日攀條悻悻絕。樹猶如此我何堪。

杜曲西南吊牧之家

兩枝仙桂氣凌雲。落魄江湖杜司勳。今日終南山色裏。小桃花下一孤墳。

李夫人家

長門買賦草萋萋。冤魄雲陽杜宇啼。惟有佳人解傾國。芙蓉長傍茂陵西。

祀雞臺

東周久已換西秦。陳寶何須辨偽真。猶有漢家使持節。益州遠祀碧雞神。

嘉陵江上憶家

自入秦關歲月遲。棧雲隴樹若相思。嘉陵驛路三千里。處處春山叫畫眉。

龍門閣

四圍碧玉色峻峭。蒼筤行纏蓋飯僧。松末風來龍背冷。坐看流水入嘉陵。

籌筆驛

當年神筆走群靈。千載風雲護驛亭。今日重過吊陳跡。祇餘愁外舊山青。

郎當驛雨中二首

金雞賜帳事披猖。河朔從茲不屬唐。却使青驢行萬里。三郎當日太郎當。

武連縣南雲氣遮。郎當驛北石槎枒。西風盡日濛濛雨。開遍空山白芨花。

涪涪江

涪江江水抱山流。不見唐家帝子樓。記取江東詩句好。澹煙喬木是綿州。

鹿

抱郭涪江碧玉流。一川豐草鹿呦々。倦遊忽憶楊岐語。祇有渠儂得自由。

羅江驛夜雨

前旌已拂鹿頭關。風雨勾留不肯閒。何處行人最愁絕。潺亭亭下水潺潺。

落鳳坡吊龐士元

沔上風流萬古存。魚梁洲畔向江村。何如但作鴻冥好。采藥相攜去鹿門。

漢洲紉夢

照壁孤檠不自聊。隔窗寒雨打紅蕉。驚回一枕鄉園夢。身在西川金雁橋。

四過東湖題宛在亭

小鴨唼喋萍葉亂。三枝五枝菡萏開。魯連陂上花千頃。黃帽刻船歸去來。

重題茂陵

絡繹甘泉豹尾催。君王夜幸柏梁臺。當時譎諫稱方朔。也嬖長陵宛若來。

謁段忠烈公祠

昭應離宮盡廢丘。司農祠廟儼千秋。流芳遺臭知何

限。火迫當年笑鄧侯。

湖城二首

泉鳩里畔動悲風。回首秦山隔萬重。仙意已窮巫蠱起。茂陵遺恨犬臺宮。

趙虜誰教近至尊。漢廷不照覆盆冤。如何病已爲天子。惡謚重蒙到戾園。

稠桑驛

春蘭秋菊不同芳。舊恨新愁爾許長。應是三生緣未了。又呼妙子到稠桑。

老子故宅

北邙東望家曩々。上有玄元古廟基。莫以荒唐笑仙李。漢家先奉濯龍祠。

甘棠

弭節甘棠日未晡。玉釵金縷散青蕪。殺陵此去多風雨。不用尊前唱鷓鴣。

甘棠驛

北寺南牙劇戰爭。可憐甘露怨誰明。甘棠驛外東流水。嗚咽年年寒玉聲。

會盟臺二首

秦聲趙瑟會西河。御史前書較孰多。臨訣數言關大

計論功終欲首廉頗。
不辭頸血澆秦王。進缶當筵氣慨慷。十五名城酬趙璧。何如談笑請咸陽。

洛陽

國本爭來黨錮連。楚歌楚舞亦堪憐。如何鴻鵠高飛去。又見蒼鷄出地年。

洛神

凌波羅襪欲生塵。賦裏驚鴻態尚新。不信三臺燈火夜。針神真比洛川神。

洛川南望

碧嵩清洛洗愁顏。伊闕中分兩鬢鬢。暖翠浮嵐看不盡。緱山南是伏牛山。

白馬寺

伽藍半化洛陽塵。漢代鴻臚跡尚新。太白他年窮楚獄。仁祠空解祀金人。

王輔嗣塚

鍾會齊名果是非。白楊孤塚墓煙微。如何一夕談名理。不救河橋誤陸機。

緱氏縣

白茅授印事何如。底許孫卿更上書。桂觀蜚廉人力

竭。祇緣仙子好樓居。

宋陵

洛水邙山飽廢興。宋家幽寢閔魚燈。奉香不見臨安使。白日茫茫下七陵。

紀將軍祠

東門黃屋競傳呼。從此咸陽入帝圖。若遣封侯身不死。也須鐘室避娥姁。

夕陽樓

野塘菡萏正新秋。紅藕香中過鄭州。僕射陂頭疎雨歇。夕陽山映夕陽樓。

圃田列子祠

泠然鄭圃御風遊。四十年如不繫舟。惓惓餘年還嫁衛。先生老矣又何求。

官渡

別駕亡來萬事非。夕陽官渡客行稀。袁家新婦應惆悵。滕與陳王詠宓妃。

中牟縣南湖蒲盧亭是張林宗飲酒處予易名墊巾題一絕句

南郭孤亭野水濱。菰蒲獵獵水鱗鱗。林宗未遠風流在。不媿亭名是墊巾。

板橋

板橋衰柳日蕭蕭。回首宣和似暮朝。上巳金明池上飲。畫船銜尾駱駝橋。

昭靈夫人墓

驚風古道卷蓬根。何處昭靈墓尚存。不見梁巫陳桂醕。野人耕盡小黃園。

謁信陵君祠

趣救邯鄲却暴秦。十年留趙事酸辛。大梁歸後匆匆甚。日飲亡何近婦人。

曹南渡河望南華山

函關已弔玄元宅。鄭圃還過禦寇家。問渡漆園風雨裏。卻臨秋水誦南華。

春城堆

春城堆上弔諸郗。絕恨參軍入幕時。只有青溪三十曲。風流猶自憶僧施。

龍女祠

水綃霧縠映迴波。半額宮黃蹙黛蛾。欲采香蘇慰幽怨。不須深避庾毗羅。

峇鐘聖輿送芍藥

新綠橫窓穩畫眠。一簾微雨似輕煙。午晴睡起維摩

楊。花氣熏人又破禪。

漁洋山人清華錄絕句鈔下卷畢

明治十八年七月二十七日出版屆
同 十九年四月 出版

(定價金四拾貳錢)


愛媛縣平民

編輯兼
出版人

日 柳 政 憲

大阪南區北桃谷町五十七番地

發行所 浪 華 文 會
各 地 書 林





漢洋絕句

下卷

8
5
147

(M)

東泉園書					
冊	号	架	函	属	類